

etiam extra intellectum realiter & in se,  
hinc entis nomen vel pro rationis ente,  
vel pro reali usurpari &c.

## EXERCITATIO LXIV.

*Deum & Creaturam posse communi conceptu à nobis apprehendi, ideo quia similitudinem inter se habent.*

1. **N**omina esse multa Deo & Creaturis communia, & occasione illorum nominum communem quoque conceptum inferri nostro intellectui ita patet. At separamus paulisper cogitationem nostram à nominibus, & ad solam illam similitudinem, quæ inter increatum & creata entia, & præter & ante & extra omne nomen, intercedit, oculos transferamus. Apparebit illam ipsam, quæ ratio & causa fuit, cur communia Deo Creaturæque nomina tribuerentur, jam antè & potiori quodammodo jure causam esse, cur uno communi conceptu ab humano intellectu apprehendantur.

2. Quæcunque ut multis rebus communia animo concipiuntur, non alia de causa talia sunt, quam quia res illæ similitudinem